

## Виень, молодостень, красотань праздник

Тячи, июль 21-це шистонза, физкультурникнень, советский сембе од ломаттнень виень, молодостень, ловкостень и красотань праздниксна.

Тя исторический датась—физкультурной армиять спортивной сатфксонзон боевой смотрац, тячи ванондови конашкава анок сон социалистический трудти и родина-ньконь оборонанцы.

Минь странасонк, коса великий Сталинский Конституциясь гарантирует эрь гражданинь трудонь, ваймамань и тонафнемань правас, максфт сембе условиятне сянди, штоба касфтомс сембе ширде развитай, культурнай, активнай, кеме и мужественнай ломатть.


Физкультураикнень инь цебарь другсна и учительсна Сталин ялгась XVI-це партийнай с'ездть трибунаста азозе—„Касфтомс рабочаень шумбра и жизнерадостнай од поколения, кона способнай кеподемс должнай высотас советский странать могуществанци и ара-ламс сонь грудью вракнень ширде покушенияйтнень эзда“.

Вождть нят валонза воплощеннайхть эряфс. 1939 кизонь июнь 1-це шинцы 1-це ступенень ГТО-нь норматнень максозь 6 млн. лама ломань, а БГТО-нь норматнень максозь 1 млн. 200 тыжиань ломань. Физкультураь келиста развивается колхознень и национальнй республикатнень эса. 1939 кизонь январь 1-це шинцы велева лувондовсь 3.500 стадион и комплекснай площадка, 14.100 волейбольнай, баскетбольнай и гимнастический площадка. 500 тыжиань колхозник максозь 1-це ступенень ГТО-нь норматнень.

Сембе тя корхтай сянь колга, конашкава оцю и отеческий забота няфни физкультурнай движенияй кеподеманцы народонь великий вождсь—Сталин ялгась.

Советский физкультурникне—минь панжи родинасонк арсикть коммунизмань активнай строите-лькс, патриотокс социалистический отчизнаньконди и беззаветнай-ста преданнайкс Ленинонь—Сталинонь тевсонды. Цебарь физкультурниксь—тя цебарь воин, меткай пулеметчик, ловкай кавалерист, выносливай танкист. Тяфтама советский физкультурниксь, тяфтама советский физкультурникть обли-коц.

Боевой девизкс эрь физкультурникти и эрь советский ломанти арси тяни фкя—работамс по-стахановски, шавомс врактъ по-хасановски.



## ФИЗКУЛЬТУРНИКОНЬ ШИТЬ ЧЕСТЬС

Саранск ошень „Динамо“ физкультурно-спортивной обществась (ответ. секретарь Болдов ялгась) физкультурниконь Всесоюзнай омбоце шить честьс йотафтсь и йотафты лама физкультурнай мероприятия.

Июль 18—21 шинзон йотафтсь стрелковой соревнования, коса примась участия 60 ломань.

Стрелковой подготовкаса фатяф 138 физкультурник, конатнень эзда 117 максозь норматнень ВС-нь васенце ступенень значекти и 12, ВС-нь омбоце ступенень значекти. Тяда башка 24 ломань максозь норматнень омбоце классть коряс наганца лецемаса.

Обществась примась участия динамовецонь заочнай всесоюзнай соревнованияй эса, конац йотафть гранатометанияй коряс. Тя соревнованияй эса Саранск ошень „Динамо“ эзда примась

участия 133 ломань.

Физкультурникне Сафонов, Астафеев и Мягков сатсть тя соревнованьяса аф калдяв результат. Гранатать йордазь 52—56 лама метрань. Обществать видеса пуроптф мотоциклатъ тонафнеманц коряс кафта группат, коса эрь шиня занимаданкши 55 ломань.

Июль 18 шистонза сявомок и 21-це шинцы модемс йотафтсь сембе организациязон эса собрания, коса обществать инь активнай членовза путнестъ докладт физкультурниконь омбоце Всесоюзнай шить колга.

Тячи загорелай, физически бодрый динамовецне налхикхть ошень лия обществань физкультурникнень мархта футболса и волейболса. Нинге вестъ продемонстрируют эсь физический закалкасон, родинай оборонанцы и трудти эсь анок шиснон.

## Жизнерадостнай поколениянь праздник

Тячи, июль 21-це шистонза марнек павазу и панжи странань жизнерадостнай, здоровай, бодрой и закаленный физкультурникне демонстрировандасазь родинай народти, партияи и правительствати созидательнай и творческий победасон, коммунистический партияй и лична Сталин ялгать перф эсь несокрушимай сплоченностень вийснон.

Орденоснай „Спартак“ обществань Мордовский физкультурнай организациясь, тиемок кизаквалмонь эсь работанцы итокт, лувонды эсь рядонзон эса 700 ломань физкультурник, коват пашксет мужества и смелостята, производстваста лучшей стахановецт и эрь минутаня анокт социалистический родинай оборонанцы.

„Спартак“ обществась вяти вишке массовой и организационнай работа низовой физкультурнай коллектифнень кемокстамаса, дисциплинайт ладямаса.

Физкультурниконь Всесоюзнай 2-це шити анокламань пингста беседатнень и докладтнень мархта фатяфоль 800 ломань лама физкультурник.

Физкультурнай кефкие организациява нолявсть специальнай стенгазетат. Ниле лучшей мотоводительхть тисть агитмотопробег Саранск—Березники—Саранск маршрутк. Ульсь йотафтф стрелковой соревнованияй, коса примосесь участия 50-да лама физкультурник. Аноклась Ворошиловский стрелокт. 1-це полугодияста „Спартак“ обществась аноклась 20 мотоводитель, 27 ломань 1-це и 2-це ступенень ГТО-нь значкист.

Тя кизоть аделавомс обществать инголе ащи почетнай задача—анокламс ГТО-нь 1-це и 2-це ступенень 131 значкист, Ворошиловский стрелокта анокламс арьсеф 120 ломань.

Тяконь мархта эряви азомс, што „Спартак“ обществать аф калдяв футбольнай командакка, кона йотай кизонь футбольнай сезонцта кизонь перф кирьдезе республикаса футбольнай первенствать. „Спартак“ обществань футбольнай командакка максси вал, што тяддень кизонявок сатсы республикаса футбольнай первенствать.

Аш сомнениа, што „Спартак“ обществась физкультурникнень лучшей другсон Сталин ялгать эрь шиня заботанц ала саты од победат социалистический обществать пользас.

С. С. Купер.



Рис. К. Марожихинать.



## Улемс отличный стрелок

Содамок сян, што великий Советский Союз ащи капиталистический окружения, Сталин ягась корхтась, што странати и многомиллионный народти эряви улемс мобилизационной готовности состояниа и улемс эрь минутаня анок любовай вражеский попыткатенди сокрушительнай отпоронь максома.

Йотафнемом эряфс Сталин ягать исторический валонзон, эрь советский предприятия и учреждения, эрь колхозы и совхозы стахановский трудта башка вяти вишке работа военной тевть тонафнемаса.

Осоавиахимонь Мордовский Центральной Советт стрелковой клубон, штоба лездомс предприятия и учреждения эса военной тевть тонафнеманцы систематически йотафни стрелковой спортоны, инструкторонь курст, аноклай стрелковой тевонь специалистт. Тись 3 выпуск и нолдась 3-це категория стрелковой спортоны замечательнай мастерхт, конат тани предприятия и учреждения эса вятихт вишке работа ворошиловский стрелковонь анокламаса.

Аф калдывста работай Когизса ручной пулеметонь тонафнемань кружоксь, коса руководителкс ащи Дегилев ягась. Хлебокомбинатса стрелковой кружоксь, связень управления и лама лия учреждения советский родинань патриотные сембе вийса тонафнихт военной тевть.

## Агат-велопробег

Саранск ошень "Учитель" физкультурно-спортивной обществас июль 19-це шистонза тиенць велосипедса агитпробег Саранский-Березниковав. Тя пробег физкультурникне посвятили физкультурниконь омбоце Всесоюзной шити.

Пробегт участниконза ульсть местнай физкультурникне и сембе районнай общественность ширде васифт пара мялса. Физкультурниконь омбоце Всесоюзной шити колга докладта меле, кованц тиезе пробегонь участникс Артемов ягась, ульсь ягань футбольнай васедема Б.-Березниковский "Учитель" футбольнай командат мархта.

Сайгин.

## Касфнемс физкультурникне лувкссон

Минь социалистический страна-сонк физкультураса занимадакшихт миллионт од и сире лomatт. Партиясь, правительствас трудящайхне физический воспитания лувондсаз государственный важность тевкс.

Социалистический государствань трудящайхне колга эрь шинь заботась эсь выражениянц пик яркайста няфнесы цифраса. Мордовский республиканьконь 1940 кизонди бюджетонц коряс здравоохранения и физкультурнай тевти нолдаф 24.494 тьожатт цалковай.

Минь республикасонк кизода-кизос сяда касонды физкультурнай коллективне и спортивной обществатне лувкссна. Физкультурниконь Всесоюзной 2-це шити республикаса сембоц лувондови 638 физкультурнай коллектив, ковантень эзда 211 коллективс колхознайхт. Физкультурнай коллективне эса сембоц лувондови



## Тевса пашкодемс ВЛКСМ-нь Мордовский обкомт VI-це пленумонц решениянзон

Шархкодемком ВЛКСМ-нь Мордовский обкомт VI пленумонц решениянзон хозяйственно-политический значенияснон, Zubovo-Polyanay районца первичнай комсомольский организациятне ин ламосна активнайста кярмодсть практически пашкодемасонды. Сявсаск кепотксонди Уголковский велень комсомольский организацият, кона ащи 9 комсомолеста и сембе синь активнайста работайхт хозяйственной работаса. Комсомольский первичнай организацияс (секретарь Быков ягась) маштоз пуропто-зень эсь перфканза аф анычек союзнай од ломаттне, но и сембе школьникне и организован-дась синь эздост эрь колхозса кочкинь звена, конат пик курок-ста и цебарь качества мархта аделазь омбоцень крда яровой сьоронь кочкомать.

Тяда башка сембе комсомолесте, Сяркина учительницада башка, кона нльне аф якай комсомольский собранияска, примосесть активной участия тишень лядемаса и урядамаса.

Комсомольский организацияс эсь собраниясонза кафксть ни кулхондозонь колхозонь председателхне информацияснон сьорон урядами анокламати колга. И эрвий азомс, што комсомолестне практический лезксон вельде ня колмоксне колхозне анокт сембе ширде сьорон урядами. Сяда башка ня колма колхозне эзда кажвайса организовандаф комсомольско-контрольной постт, конат сембе серьезнайста лездыхт колхознеди. Буденнайть лемса колхозса комсомольский ор-

ганизацият инициативанц вельде строяф платина и мельница.

"Большевик" колхозса комсомолестне инициативаснон вельде строяф кафта прутт, конатне эзда фкясь аноклаф колхознай переть валондомс, а омбоце прудсь касфтозе 50 процентс ведь мелен-цять мощностенц. Тяда башка комсомолестне думондайхт сьорон урядами ушедомс тиес нинге фкя пруд-колхознай МТФ-т ваксс.

"Ленинонь заветон" колхозса комсомольский организацият инициативанц вельде сембе школьникне мобилизовандаф веточнай кормань кочкама, конат ни анокласть колхозти 40 тонна веточнай кбрма.

Но, аф ваномок ня замечательнай примерхне лангс, башка комсомольский организациятне мезевон аф тиендихт.

Сявсаск "Марстонь вий" колхозонь первичнай комсомольский организацият (секретарь Белкин), кона лифни анычек гайнай резолюцият, а тев аш. Тяс веточнай кормань анокламати колга кизефкссь ульсь обсуждадаф комсомольский собранияс кафксть и колхозонь правленияс танди максесь оцю возможность и пуропнес цебарь условият, но комсомолестне мольсть вири и аф лама пингонь йотазь мрдасть меки, исть синде нльня фкявок лопав илинявок.

Белкин ялгати эрвий тонафнемс работам Быков ялгати ширде.

Кандратьев,

3-Поляннай ВЛКСМ-нь райкомт секретарец.

## ЭРЯВИ ЛАДЯМС РАБОТАТЬ

Ковылкинский район. Шямонь велень комсомолестне колхозса аш кодамовок авторитетна. Тяс, мес синь эсь работасот аф няфнихт цебарь образец. Комсомолестне политически кржа грамотнайхт, мезень сюведа

аф йотафнихт кодамовок беседат колхозникне и особенна колхознай од ломаттне йоткса. Комсомольский организацияс пик шуроста путнесы кизефкс эсь собраниясонза колхозт эряфонц колга.

Н. Никитин.

сарский и лия райононь физкультурникне тьяльберф йотафтсь 3-да ламонь лыжной переход.

Сави азомс, што Мордовиян аф кржа физкультурнай организацият няфть работань образец "ГТО-нь" значекти тьяль нормань максомаса. Например, республикаса лыжатне коряс норматне максозь 3.830 ломань или планц пашкотф пцтай 85 процентс. Ардатовский, Zubovo-Polyanay, Ичалковский, Краснослободский и Темниковский райоттне лыжатне коряс нормань максомаса планц пашкодезь 130 процента ламос. Но Ширингушский, Сире Синдровский, Сире Шайговский и иля районга тевсь йофси сязьф.

Нят сатфксне шовор республикань физкультурнай организациятне работаса улихт пик лама аф сатыкта, конатне эзда сембодонга серьезнайсь ся, што физкультурнай тевсь нинге тичимс пик калдывста ладяф республикань колхозне и МТС-нь эса.

Дм. Родин.

## Литовский народт единодушнай требования

Литовский од Сеймти кочкаматне аделавомаснон мархта марнек Литват эзга йотнихт рабочаень, крестьянонь и трудовой интеллигенциян грандиознай митингт и собраният, народонь избранныкне приветствовандамок, лифнихт резолюцият, конатне эса вешихт, штоба демократический Литвась афоль лотка плякилангс. Минь энялттыа Литвань народнай Сеймти, — корхтати Гудлянский волостень рабочайн и крестьянонь массовой митингснот резолюцияс, — энялдемс минь великай соседоньконь — Советский Союзт Верховнай Советонцты сян колга, штоба мярьголь тейнек сувамс Советский Социалистический Республикань Союзт семьяс, минь энялттыа Литвань народнай Сеймти сувафтомс Литваса трудящайн Конституцият — Сталинский Конституцият.

(ТАСС).

## Учительне — ударникт

В. Лухма велень учительне, Морозкин и Парфенов ялгатне, конат саст эсь родной велезост кизонь каникулатне йотафтома, пик оцю желанияс кармасть работам колхознай производствас.

Штоба колхозса производителнайста работамс, Морозкин и Парфенов ялгатне эсь йотковаст кемоксасть соцсоревнованиян договор, конань эса корхтати, што: "Сембе работатне пашкоткшнемс анычек цебарь качества и вельф".

Тя почетнай обязателствать кафке ялгатне пашкоткшнесазь честь мархта. Кепотксонди, тие лядемаса нормась 0,2 гектар, а Морозкин и Парфенов ялгатне эрь сменати лядендихт 0,4 гектаронь.

Тяда башка синь колхозникне йоткса вятихт культурмассовой оцю работа.

Парфенов.

Инсарский район.

## Кизефксне иляткшнихт ответфтома

Барановка велень "Пролетарий" колхозса нинге йофси аф кунара панчсть изба-читальня, конань эса эрь илять политико-воспитательнай работась лаказь-лакай. Тяс колхозникнеди моравневихт газетат, разнай темас тиендевихт беседат и вatevi иля работа.

Тяда башка читальнят заведующайц Татаров ягась эрь шинь якай бригадатнеди, звенатнеди, коса обеденнай перерыфне пингста колхозникне знакомандакшнесыне мить эзга мекольден известиятне мархта.

Политико-воспитательнай работась яркайста няфнесы нинге ся огромнай интересь и жаждать, конань мархта колхозникне ваныхт военной действиятне мельга.

Эрвий азомс, што тя шить самс колхозникне инголи лисенди лама кизефкст международнай положениа колга, конат сидеста иляткшнихт атак решандак анычек сяс, мес тяс специальнай лекторхт районца аф эрийхт, а велеса уликс культурнай вийсь тя тевт эзда ащи бокса.

Г. Татаров.

Актурьевань район.

Ответ. редакторт заместителю И. ЧУДАЙКИН.